



ԱՌԱՋՆՈՐԴՈՒԹՅԱՆ ՀՈՎԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆԸ

Առաջնորդության Հովվական Խորհրդի (այսուհետ՝ Խորհուրդ) ստեղծման նպատակն է՝

առավել արդյունավետ իրականացնել Առաջնորդության ընդհանուր հովվական առաքելությունը՝ սինոդական ոգով՝ ապահովելով Առաջնորդության տարածքում հովվական առաքելության մեջ ներգրավված անձանց և հաստատությունների առավել լայն և գործնական խորհրդակցական մասնակցությունը՝ Առաջնորդության առաքելության համար առաջնային կարևորություն ունեցող հարցերի քննարկման և որոշումների ընդունման մակարդակներում:

Խորհրդի ստեղծումը համահունչ է Կաթողիկե Եկեղեցու որդեգրած սինոդական ճանապարհի սկզբունքներին. **սինոդականությունը** Եկեղեցու միասնականության արտահայտությունն է, որտեղ բոլորը՝ եպիսկոպոսները, քահանաները, վանականները, միաձնուհիները, աշխարհականները միասին են կատարում Քրիստոսի կողմից ավանդված առաքելությունը՝ հոչակելու Ավետարանը, քայլելու Քրիստոսի և միմյանց հետ հաղորդության և սիրո մեջ, սրբության ճանապարհով՝ դեպի փրկություն:

Խորհուրդը ստեղծվում է՝ հիմք ընդունելով.

- Արևելյան Եկեղեցիների Կանոնագրքի 4-րդ հոդվածի՝ 272-275-րդ կանոնները,
- «Հայ Կաթողիկե Եկեղեցի կրոնական կազմակերպության» կանոնադրությունը,
- հովվական հարցերի, խնդիրների լուծման, մարտահրավերների հաղթահարման ճանապարհին հավատացյալների փորձառական և մասնագիտական խորհրդատվությամբ առաջնորդվելու անհրաժեշտությունը,
- որոշումների ընդունման մակարդակում հնարավորինս բոլոր խմբերի և հաստատությունների ներկայացուցիչների մասնակցայնության, միասնականության և առավելագույն համերաշխության անհրաժեշտությունը,
- Առաջնորդության լայնածավալ տարածքի համայնքների, ընտանիքների, անհատների հոգևոր և բարոյական առավել միասնական նկարագիր զարգացնելու անհրաժեշտությունը:

Դրույթներ

1. Խորհուրդը, եպիսկոպոսի Առաջնորդությամբ և արտոնությամբ, պետք է ուսումնասիրի և իր եզրակացությունները հայտնի Առաջնորդության հովվական աշխատանքների, խնդիրների և մարտահրավերների վերաբերյալ: *Տե՛ս՝ ԱԵԿ, Կանոն 272*
2. Խորհուրդը զուտ խորհրդակցական մարմին է և որոշումներ չի կայացնում, այլ ներկայացնում է միայն եզրակացություններ, լուծումներ, ծրագրային առաջարկներ: *Տե՛ս՝ ԱԵԿ, Կանոն 273, §1*
3. Խորհուրդը պետք է բաղկացած լինի հոգևորականներից, վանական միաբանությունների անդամներից, և, հատկապես, աշխարհականներից՝ այնպես, որ Խորհրդում հնարավոր առավելագույն չափով ներկայացված լինեն Առաջնորդության մեջ գործող բոլոր հաստատությունները, հասարակությունները և խմբերը: *Տե՛ս՝ ԱԵԿ, Կանոն 273, §1, 2*

4. Խորհրդի անդամներ կարող են լինել միայն հավատքով, գովելի բարոյական նկարագրով և առաքինի անձինք: *ՏԵՄ՝ ԱԵԿ, Կանոն 273, §4*

5. Խորհրդի նախագահը Առաջնորդ Վիճակավոր Արքեպիսկոպոսն է: *ՏԵՄ՝ ԱԵԿ, Կանոն 275*

6. Երբ Առաջնորդական Աթոռը թափուր է, Խորհուրդը դադարում է գոյություն ունենալուց՝ մինչև նոր Առաջնորդի որոշումը: *ՏԵՄ՝ ԱԵԿ, Կանոն 274, §2*

7. Միայն Առաջնորդ Արքեպիսկոպոսը կարող է գումարել Խորհրդի նիստեր՝ ըստ հովվական անհրաժեշտությունների, նախագահել նիստերին և հրապարակել նիստերի ընթացքում քննարկված նյութերը: *ՏԵՄ՝ ԱԵԿ, Կանոն 275*

8. Խորհրդի հերթական նիստերը գումարվում են յուրաքանչյուր 6 ամիսը մեկ անգամ:

9. Խորհրդի արտահերթ նիստերը կարող են գումարվել ըստ Առաջնորդի որոշման:

Երևան, Հայ Կաթողիկե Առաջնորդարան, 23 մայիսի, 2026թ.

Հաստատում եմ՝

✝ ԳԵՈՐԳՆՈՐԱՏՈՒՆԿԵԱՆ
Տիտղոսաւոր Արքեպիսկոպոս Սեբաստիոյ Հայոց
Առաջնորդ Հայաստանի, Վրաստանի, Ռուսաստանի
և Արեւելեան Եւրոպայի Կաթողիկե Հայոց

Տ. ՅՈՎԱԷՓ ԲՀՆՅ. ԳԱԼՍԵԱՆ
Դիւանապետ Առաջնորդութեան